



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. II. De Regulis cognoscendi gradum consanguinitatis.

[urn:nbn:de:hbz:466:1-73058](#)

li gradu distantes à communi stipite, ut sunt duo fratres, frater, & soror &c. si autem unus altero distet pluribus gradibus (hoc est, si inter ipsum, & stipitem plures personæ medient, quam inter alterum, & stipitem) sunt collaterales in linea inæquali; sic frater, à sororis, vel fratris filia distat inæqualiter. Hæc inæqualitas collateralium præcipue attenditur in dispensationibus matrimonij propter dicenda q. 22. per gradum autem intelligitur quoddam intervallum, quo cognoscitur, quæ persona fit stipiti propinquior; & consequenter quantum inter se distent personæ, de quarum cognitione queritur.

§. II.

De Regulis cognoscendi gradum consanguinitatis.

1181. Quando de duobus queritur, in quo gradu consanguinitatis inter se conjuncti sint, ante omnia scrii debet eorum stipes, seu origo, & principium, à quo ambo per carnalem propagationem, mediata, vel immediate descendunt; nam sine hoc consanguinei non sunt. Deinde observandum, in qua linea collocentur: an in recta, nimurum ascendent, descendenti? an in obliqua, seu transversali, cæque vel æquali, vel inæquali? quo posito: pro linea recta, seu descendente, & ascendentente unica regula est in utroque jure, nimurum tot est gradus, quot personæ, undi dempta, nimurum stipite. Et ideo pater & filius, sunt in primo gradu; avus & nepos in secundo; proavus, & pronepos in tertio; abavus & abnepos in quarto gradu linea recta: pro linea obliqua, seu transversa, sed æquali, jure canonico hæc regula traditur, ut collaterales in æquali linea transversa tot gradibus inter se distent, quot gradibus distant à communi stipite. Et ideo frater & soror inter se distant uno gradu in linea transversa, quia à patre, & matre distant uno tantum gradu in linea recta: pro linea demum obliqua, seu transversa, sed inæquali hæc jure canonico regula est, ut personæ talis linea tot gradibus inter se distent in linea transversa inæquali, quot gradibus persona remotior distat à communi stipite. Hinc filius Petri, & nepos Pauli, fratris Petri, sunt consanguinei in tertio gradu linea transversa inæqualis.

Dixi has regulas in computatione graduum consanguinitatis observandas de jure canonico, nimurum per ordinem ad matrimonia: quoad hereditates autem, vel successiones hereditarias, & tutelas, computatio juris civilis; & hoc tam in solo seculari, quam Ecclesiastico; quia quoad ejusmodi successiones illa computatio approbata est jure canonico. c. ad se. dem 35. q. 5. Nam hereditates jure civili secundum gradus prærogativam defensione ita, ut proximior in gradu, prior sit in successione, & remotiorem excludat plures. Instit. de legit. agnat. success. dicuntur autem agnati, qui ab aliquo descendunt per lineam masculinam v.g. ex fratre; qui per femininam, dicuntur cognati, quamvis quandoque nomen cognati tanquam genus aliquod, & quid superius ad utramque lineam accipiatur; his prenotatis.

Not. ut iuxta jus civile, quoad successiones, fiat computatio graduum consanguinitatis in linea recta, tam ascendente, quam descendente, servandam esse regulam primam, traditam n. 1181. hac enim eadem est in utroque jure; si autem questione sit de duobus in linea transversa, computari debere tam gradus, quibus unus sex consanguineis distat à communi stipite, quam gradus, quibus alter distat ab eodem; hinc si unus consanguineorum distat à communi stipite duobus gradibus, & alter tribus, erunt quinque gradus. Et ideo fratres sunt jure civili in secundo gradu, quia quilibet à communi stipite distat uno gradu; Patrius, & nepos ex fratre in tertio gradu: filii fratum aut sororum in quarto gradu; quia ambo distant duobus gradibus ab avo &c. nam numerus graduum in hoc computu consurgit ex numero personarum utroque latere venientium; cum jure civili duo consanguinei tot gradibus inter se distent, quot inter ipsos intercedunt generationes. Igitur, ut quis reperiat, quo gradu jure civili, aliqui alicui Tertio v.g. Sticho conjuncti sint, Titius v.g. & Cajus super successione in bona Tertijs dissidentes, constituta erit duplex arbor consanguinitatis, una Stichi, & Titij; altera Stichi & Caj. Nam ex hoc facile deprehendes, quo gradu Titius, quo Cajus Sticho sanguine junctus sit, atque adeò quis eorum Sticho proximior?

§. III.